

Practicista da tractament da surfatschas AFP

Practacist da tractament da surfatschas AFP

Chemie, Kunststoffe

Mikrotechnik, Uhren

Metall

Durada

2 onns

Terminaziun

Eidgenössisches Berufsattest
EBA

Indicaziuns davart il salari

1. onn d'emprendissadi: CHF
550.-
2. onn d'emprendissadi: CHF
700.-

Practicistas e practicists da tractament da surfatschas perfecziuneschan elements da construcziun da tut gener cun differentas metodos. Ellas ed els surtiran surfatschas p.ex. cun aur, cun argient, cun zinc u cun ina stressa d'oxigen. Uschia protegian ellas ed els ils elements da construcziun. Las practicistas ed ils practicists da tractament da surfatschas manevreschan apparats, maschinas e cranas. Ultra da quai procuran ellas ed els che tut ils pass da lavur vegnian exequids correctamain.

Incumbensas

Far lavurs

- barschunar u gliscentar elements u als tractar cun sablunaders
- cun l'accent surzinar: sfunsar elements da construcziun en zinc luà per als proteger cunter ruina
- cun l'accent galvanisar: sfunsar elements da construcziun en bogns chemics e vernischar las surfatschas cun crom, zinc, nichel, arom, argient u aur
- cun l'accent anodisar: sfunsar elements da construcziun en bogns chemics e rinforzar uschia las surfatschas p.ex. d'aluminium, titan u magnesium
- auzar elements da construcziun gronds u grevs cun agid d'ina crana en in bogn
- analisar la cumposiziun chemica dal liquid d'in bogn en il labor
- sche necessari, derscher ulteriuras chemicalias en il liquid

Controllar lavurs

- controllar la qualidad dals elements da construcziun durant e suenter il process
- nudar ils sbagls en in rapport ed als annunziar al galvanostegist superiur

Mantegnair las maschinas e garantir la segirezza

- applitgar e deponer correctamain chemicalias e products privlus, p.ex. cun vestgadira da protecziun u en butts

- mantegnair maschinas e meds da producziun, p.ex. cabels electricis e pumpas da filtrar
- dismetter ruments tenor las prescripziuns da segirezza e d'ambient

Ambient da lavur

Practicistas e practicists da tractament da surfatschas lavuran en lavuratori ensemen cun galvanostegistas. Durant la lavur portan ellas ed els in equipament da protecziun correspudent, sco guants ed egliers. Ellas ed els lavuran cun chemicalias, perquai ston ellas ed els observar reglas severas concernent la segirezza al plaz da lavur e concernent la protecziun da la sanadad e da l'ambient. Per regla han ellas ed els uras da lavur regularas.

Practicistas e practicists da tractament da surfatschas lavuran en manaschis u en partiziuns da galvanostegiar d'interpresas da construcziun da metal e da materias sinteticas. La purschida da plazzas d'emprendissadi è differenta da regiun a regiun.

Pretensiuns e interess

Pretensiuns

- Moda da lavurar sistematica
- Moda da lavurar conscienziusa ed exacta
- Inschign manual
- Dun per cifras
- Abilitad da lavurar en in team
- Chapientscha tecnica
- Resistenza corporala

Interess

- S'occupar cun electricitad ed electronica
- Elavurar metal
- Lavurar cun ils mauns

Scolaziun

Manaschis

En in manaschi da la branscha da galvanostegiar

Scola

1 di per emna en la scola professiunala spezialisada

Curs odaifer il manaschi

Emprender, approfundar ed exercitar las basas professiunalas, 16 dis durant 2 onns.

Durada

2 onns

Accents

- Surzinar
- Galvanisar
- Anodisar

Cundiziuns d'admissiun

Terminà la scola obligatorica

Titel da finiziun

Practicist / Practicista da tractament da surfatschas AFP

Furmaziun cuntinuonta

Curs

Purschidas da scolas spezialisadas e da scolas professiunalas spezialisadas sco er da la Fundaziun svizra per ils tractaments da surfatschas, FSTS, e da l'Associaziun svizra da l'aluminium, alu.ch.

Emprendissadi complementar

Practicists / Practicistas dal tractament da surfatschas AFP pon per regla far in emprendissadi scursanì sco Galvanostegist / Galvanostegista AFQ. Suentar pon vegnir absolvidas las medemas furmaziuns complementaras sco per Galvanostegist / Galvanostegista AFQ.

Professiuns sumegliantas

Ulteriuras infurmaziuns

Swissdoc Nummer

TODO

FSTS Fundaziun svizra per ils tractaments da surfatschas

<https://www.sso-fsts.ch>

SWISSGALVANIC Verband Schweizer Galvanobetriebe

<https://www.swissgalvanic.ch>

Uniun svizra da las zincarias USZ

<https://www.verzinkereien.ch>

TODO

<https://www.becc.admin.ch/becc/public/bvz/beruf/show/42004?lang=de>